

ADFULGENTE GRATIA DIVINA!

Et Consensu

AMPLISS. FACULT: PHILOSOPHICÆ,  
SPECIMEN hoc ACADEMICUM,

De

PROCESSU  
COGNITIONIS  
HUMANÆ,

SUB PRÆSIDIO

VIRI CELEBERRIMI,

M. GABRIELIS  
JUSLENI,

Log. & Metaph. in Acad. ad Aoram  
Professoris Regii & Ord.

Publicæ bonorum censuræ modestæ subjicit

DAVID PETREJUS,

In Audit. Majori, die 27 Junii, 1703.

Exc. Jo. Wall.

In  
S.<sup>M</sup> R.<sup>M</sup> M.<sup>M</sup>

Summè Fido Viro,

REVERENDISSIMO PATRI in CHRISTO  
ac DOMINO,

DN. JOHANNI  
GEZELIO,

S. S. Theologiae DOCTORI  
Famigeratissimo,

EPISCOPO Diœcesis Aboënsis  
Eminentissimo,

Acad. ibid. PRO-CANCELLARIO  
Amplissimo,

Nec non

Consistorii Ecclesiastici PRÆSIDI  
Gravissimo,

MÆCENATI & PATRONO  
meo Maximo.

ANNOS MULTOS & UNDIQVAQVE  
FELICES !

# Reverendissime in CHRISTO PATER.



Avor Vultus Tui Summus, Reverendissime PATER, qui me fortunā & spēdestū erexit in fiduciam, fore, ut aliquando gratia & benignitate Reverendiss: Patris mitiores vi-  
ces esset expectare, tacito consensu mihi injun-  
gere videbatur, ut studiorum meorum qua-  
lecumque darem specimen; Cui, ut ut levissi-  
mo, celeberrimum nomen Reverendissimi  
Patris præfigendo, in Reverendissimam  
Tuam Paternitatem devotissimam meam  
mentem declarandam, putavi. Sed quoties  
tenuitatem virium, ejusque manifestum indi-  
cem, hunc nempe immaturum ingenioi mei,  
quod certe subactius materia requisivisset,  
partum secreta astimatione pensitabam, ru-  
bore suffusus propositum damnari, veritus  
ne procax audacia chartæ indulgentiam  
Re-

Reverendiss: Paternitatis Tuæ fatigareb  
Hesitantis inter spem & metum subibat ta-  
men animum memoria favoris Reveren-  
dissimi Patris, in literarum amatores nun-  
quam satis celebrandi, qui non ahsimilibus  
fortunæ ludebris expositi, mihi tamen do-  
cumento sunt, non passuram Reverendissi-  
mam Tuam Paternitatem omnis me spes  
irritum abire, quam totam, post Summum  
Numen, in Reverendissimo Patre depo-  
sui. Placida ergo excipe fronte, Reveren-  
dissime Pater, qualescumque bas Musæ  
primitias, quas fors aspera, nunquam non  
rei literarie moram injiciens, pleniores de-  
negabit, ulterioreque patrocinio faventissi-  
mè bea.

Reverer. PATERN. TUÆ

Supplicem seruum & ha-  
milium

David Petrejum.

*Amplissimo & Consultissimo Domino,*

**DN. HENRICO  
JOSANSONI**

*In Territoriis Wirmoënsi & Ma-  
schoënsi Judici territoriali  
æqvissimo.*

*Nec non*

*Per quam Reverendo & Clariſſimo;*

**DN. BENEDICTO  
MACROLANDRO,**  
Ecclesiastum, quæ DEO in Bojo  
& Ekenås colliguntur, Pastorū  
optimè merito.

*Promotoribus & Benefactoribus  
omni veneratione animi  
suspiciendis.*

*Successus Prosperrimos !*

**V**os estis, Ampliss. & Perquam Reverendi, qui mihi ceterisq[ue] quos prema-  
turus obitus Parentum meorum non mini-  
ma affectit clade, quodvis beneficiorum genere  
obviam iustis. Quæ ego quanti facere de-  
beam, vix ipse mihi conscius sum, ne dum  
ut remunerari queam. Cupido tamen in-  
cessit animo, quaqua ratione ostendenda  
nunquam ex animo meo exuletum iri tot in  
me meritorum vestrorum memoriam. Hanc  
autem fidem meam liberandi cum nihil mihi  
præter voluntatem suppetat, ejusdem levissi-  
mum signum, præsentem inculti ingenii fo-  
rum sic, quo, boni consulatis, ut benedicti  
lentiam vestram neque in posterum clas-  
dicare faciatis. Ego, dum superstes  
fuer, de mea erga Ampliss. & Perquam  
Rever. Nomina vestra obseruantiam nun-  
quam remittam, sed eandem, cum calido  
pro perenni vestra incolumente suspirio, ad  
extremum usque continuabo

Ampliss. & Perquam Reverend.

Dignitatum Vestrarum

Obsequiosus Cultor

David Petrejus.

## P RÆFAT I O.

Ganta iam reservus est orbis literatu-  
 rius monumentorum ab eruditis vi-  
 ris relictiorum copia, ut Logicorum sa-  
 tem & Oratorum Systematisbus non  
 inique dixerit quidam, circae Da-  
 nubium ponte jungi posse, quam si omnium re-  
 gionum congererentur sylva & saxa: Quod san-  
 tis superque arguit, in id jam fastigium eve-  
 das esse artes, ut omnibus seculis, qua inde  
 à principio rerum abiere, nostrum hoc facile  
 palmam eripiat. Verum enimvero, quicunque  
 dapes has mediocriter tantum libaverit, non  
 potest quidem non mirari excellentes illas men-  
 tes humanæ doles, quarum simulacra docto-  
 rum scriptis exprimuntur, quasque, ceu te-  
 nentes reliquias amisse integratissimæ primævæ,  
 in animis nostris hæcere, voluit infinita mi-  
 sericordia; interim deprehendit juxta, intelle-  
 dum tamen humanum finitum esse, & in mul-  
 sis præscrum difficultoribus indagandis or-  
 bus satis habere limites, ad que aequæ, se ba-  
 bes ac τὰ τῶν νυκτερίδων ὅμηλα, πρὸς τὸ  
 Φέγγος μεθ' ἡμέραν, Teste Philosopho, & Me-  
 taphys: c. i. Hinc non parum se delusos exper-  
 ti sunt multi, qui dubia, doctissimorum vi-  
 rorum disquisitionibus diu vexata, altiore  
 mentis indagine perpendentes ac invictis

fuis ( ut putabant ) rationibus frēs, se tāmē  
dem acū rem tetigisse, persuasi sunt ; donec  
sententia eorum ab alio superveniente examinao  
ea, firmioribus argumentis erroris convicta est.  
Quod si unquam super alēqua qvēstione pu  
gnantia auctorū invenire est iudicia, utique  
in quā maxima diportia abierunt intradendo  
modo cognoscendi humano. Quae res sicut  
me instituto scribendi deterere debuisset, ita a  
Te L.B. audacie incusari mihi videor, quod  
tam difficultem materiam & elaborandam su  
scipere non dubitaverim, & jam publici facere  
juris perseverem. Evidēt ipse ego opus ar  
dui laboris aggressus libens conficeor tenuis  
-atem meam ; unde tam vanam non foreo  
persuasionem, ut rem eorū tantisque difficulta  
-tum spinis implicatam, sufficienter illustratum  
ire mibi præsumferim, cum sic effugere non pos  
sem, quin mibi occinatur illud Poētæ :

- - - - - amphora cœpit.

Institusi, currente rota cur urceus exit: Hor: de  
arr: Poēt: v: 21. Imo tancum abest ut vel ipsi mi  
bi hæc probentur, ut lecta & relecta sordescere  
magis magisque incipient. Unica mibi in  
tentio tenellum exercere ingenium ; si qua  
autem occurruunt ( quod futurum non ignoror )  
subtilitates materie præsentis, quarum exposi  
tionē minus responderint vires, tua, mi candide  
L. virtute dignū puta favere, nullius non aquis  
censoris iudiciorum patiens. Sic suspicabimur.

Non

**N**on multam ponendam duco operam in enucleanda derivatione vocum, quæ præsenti discursu nomen dederunt, ne delicatioribus ingenii nauicam moveam: Quid enim fibi in hoc negotio velint, cuivis evidens est; innuit scilicet vocabulum *humanae titulo additum*, removendam hinc esse cognitionem 1. *Intuitivam*, in solum DEUM cadentem; nec non 2. eam quæ *intelligentiarum* est propria; etiam 3. merè *sensitivam* brutorum & denique 4 illam quam *vegetantibus* quidam tribuunt. Quomodo nobis consideranda relinquitur cognitio, quatenus soli *homini* competit. Hæc vero, cum pro *objeto* agnoscat, vel res supra naturales & divinas, easrumque mysteria, unde *revelata* audit: vel versetur circa scientias & artes magicas, iudicationibus *Satanæ*, adfallendos mortales nuoquam non parati, phantasie impiorum ingestas, quæ *diabolica* merito dicenda: vel intenta sit in ea, quæ humanis viribus scirâ possunt & ex lumine naturæ innoescunt, quæ *naturæ* appellari slevit; omissis prioribus: illa quia arcanorum divinorum intimam profunditatem magis credimus, quam intellegimus; ista, quæ homine Christiano indigna, adeoque ad autorem suum in orcum

releganda: jam ultimam præsentis nostræ curæ facimus. Per processum nihil aliud indigitas cum volumus, quam Methodum eorum, quæ in cognitione nostra ordinae naturæ se invicem consequuntur.

II. Vix reperiri hoc tempore, quo ad summitatem artes & scientiarum surrexerunt, quemquam autem homo, qui omnem plane cognitionem (nihil ignorantia affectata & sophistica malitia labore) mortalibus denegare ausus, geclamante experientia & doctorum monumentis. *Socratis* quidem & *Platoni* tribuitur dubitatio, quare priorem dixit Eusebius *peripetiam de omnire dubitandi*. 2. præp. Evang. c. i. Ipsos autem nihil penitus affirmasse vel negasse, sed ubique in dubitatione substituisse; gravorem esse sententiam, quam ut in tantos vitos cadere possit, inducor; quod vero Socratem conquestum perhibent, se nihil scire nisi hoc unum quod nihil sciret, id modestia ejus potius quam ignorantia adscribendum; quam etiam Pythagoræ imperasse certum est, cura se non Φίλοσοφοι sed Φιλόστοροι dici velle significavit, Vid. Cic. 5. Tusc: alio ergo instituto ipsos dubitationem admisisse credendum est, quam ut nihil sciri posse asserendum putarent. De Scepticis vero Philosophis memoriae proditum est, eos Pyrrhonem secutos, sed hujus authorem,

(unde Pyrrhonici appellati) nihil decernere  
 (ut habet Gellius l. II. c. 5.) nihilque statuere  
 voluisse; sed ex data opera sibi persuasum ha-  
 buisse omnia esse ἀκατάληπτα; imo si La-  
 ètio credimus, se ne id quidem scire, quod  
 nihil scirent, fassos esse. Sed horum senten-  
 tiae opponi possunt hæc Aristotelis: *Non opos-  
 eet omne problema, aut omnem thesin in questi-  
 onem revocare, sed eam de quâ dubitare possit  
 quispiam, egens rationis, non pœnae aut sensus,*  
*l. i. Top. c. II. Tex. 9.* Unde cuivis dudum ste-  
 nit sententia: multa nobis explorata esse & cer-  
 ta: plusque scire homini dedisse DEUM, quam  
 ut de omnibus dubitare debeat. Et quomo-  
 do tot nobis utilitates, ex r  aliquia incerta  
 affluere possent? Dudum namque fidem ac-  
 cepit, Philosophiam veram reddere homines  
 ad magna officia obeunda, vitamque cum lau-  
 de transigendam idoneos. Unde Ciceroni *dvi-  
 marum humanarumque rerum scientia audit;*  
*illa quia plurimam mentis ἀγγειαν in theo-*  
*reticis: hæc quia voluntatis ἀταξίαν in pra-*  
*eteticis tollit, imo hoc illud est medium, quo*  
*multa per lapsum emissa restituere conatur*  
*mens nostra. Dicitis veritatem quoque con-*  
*ciliare potest, quod videamus in illis, quibus*  
*præcordia de meliori luto finxit Titan, latere*  
*aliquid, quod instar calcaris stimulet ad ex-*  
*plo-*

plorandam profunditatem veritatis, ex interiorebus naturæ eruendæ: ut enim omnia alia, ita & intellectus sua natura rudit & impoliatus, conservationem atque perfectionem sui appetit. De quo Cicero: *Natura homini ingenieravit cupiditatem veri inventandi*: Hoc autem sciendi desiderium frustra semet exercerat, nisi aliqua daretur, ad quam tendit, cognitio secundum illud Ovidii: *Ignoris nulla cupido*. Evidentissime autem assertiōnem nostram confirmat principiorum primorum certitudo, quorum theoretae tantæ sunt veritatis, ut ea negantis errorem non verbis, sed verberibus resundendum esse, dicat Calov: στοικεῖ γνωστολογία p. m. 24. *præstica* vero, quippe quæ cordibus nostris stylo ferreo inscripta, à maleficiis etiam invitis assensum extorquent. Hisce ergo cum cognitio nostra validissime superstrui possit, eandem (sicut illa) negantem contra disputandum utique non est, quoniam hic talis hoc pacto propria etiam dicta falsitatis arguit.

III. Definitionem cognitionis exhibuti, dicimus ipsam esse *repræsentamen rei in intellectu*; repræsentare vero ut propriè imaginum est, ita & intellectum non res ipsa, sed *imago seu idea ejus* contemplandæ ingreditur, ut infra patebit. Hæ autem ideæ cui fonte ortum debeant, num intra intellectum

nobiscum connascantur, vel potius **extrinsecus**  
 adveniant, & si hoc, quibus vehiculis ad men-  
 tem deferantur, præcognoscere, cum non pa-  
 rum lucis postea dicendis fœneraturum arbi-  
 tremur, pauca ad hanc rem pertinentia præ-  
 mittete lubet. Quæ fuerit mens Platonis de  
 origine idearum, monstrat tabula ejus exarata,  
 cui similem animam nostram esse putavit, &  
 cui omnia à natura inscripta, adeoque to-  
 tam nostram cognitionem connatam esse  
 voluit: Quæ vero in vita addiscere videmur,  
 ea non adventitia esse, sed intellectum externo  
 objecto excitatum, eadem reminisci docuit,  
*in phæd.* & *Men.* Hanc sententiam non sepultam  
 modo, sed plane explosam cupiebat *Aristoteles*  
 qui evitata charybdi Platonis, in Scyllam inci-  
 dit, dum *l.3 de anim:* c. 4. t. 14. nullas planè no-  
 citias cum hominè connasci, sed omnes ex sensi-  
 bus dependere, fervidè conatus est probare; unde  
 enatum Axioma; *Nihil est in intellectu, quod*  
*non prius existit in sensu:* quare pro tabula  
 sua nuda, cui discendo inscribimus, & inscri-  
 bendo discimus, ceu pro aris & focis pugnat.  
 Diversum ab his judicant, qui medium quan-  
 dam incedunt viam, afferentes intellectui no-  
 stro nec plane nihil, nec tamen omnia scire,  
 à natura datum esse, cum dentur quædam  
 certæ erroris, vel principia generalia eaque  
 pri-

prima, quæ semina sunt scientiarum, non studio & labore comparata, sed à naturâ impressa; reliqua vero quæ ex institutione, & sensuum observatione haurimus, extrinsecus accedere.

IV. In tanta varietate sententiarum, quas prout ingenio erant diverso, diversas fove- runt authores iisque eruditissimi, tenues perielia- tari vires meas, mihi forte temeritati vertetur. Hisce tamen difficultatibus, si non ut debemus saltum ut quimus, eluctari annitemur. Pla- tonis opinioni, dudum refutatae, fovere non possumus; cum propria experientia abunde edocet simus, ea, quæ objiciuntur, non nudam creare reminiscientiam, sed novam plane for- mare cognitionem, quam nunquam antea re- cordari possumus nos hauiisse, *Mef. gnostol.* p. 124. Fluget autem ex ejusmodi positione tale consequens: aut omnes eodem modo de rebus judicaturos, aut pugnantes sententias homini connatas dici oportere, cum non raro quidam, damnatâ sententiâ, quam diu pro verâ habuerunt, aliam eamque contrariam, ceu ve- risimiliorem amplexi sint. Sed illud experien- tiæ adversatur, *hoe ἄτοπον* est. Viderur au- tem Platoni propterea hoc asserti placuisse, quod persuasum habuit, animas nostras, non à parentibus generando propagari, sed desertis corporibus prioribus, aliis novis in- fun-

fundi, atque sic ideas, dudum animæ impressas, etiam in posterioribus receptaculis retineri. Neque tamen in castra Aristotelis transimus, nihil natura nobis notum esse, contententis, cum quarundam rerum scientiam etiam καὶ τὴν nobis connosci certum sit quod mox adstremus. In illorum ergo patres haud ægrè propendemus, qui nec nudæ tabulæ, nec exaratae similem esse intellectum docent, sed duplicis notitiae capacem, nempe tum *connatæ*, tum *acquisitæ*. *Connatae* evincent principia prima, partim theoretica, partim practica, menti nostræ infixa, alias πρώται ἀπολæ & primianini conceptus dicta: quæ inserviari adeò non poterit quisquam, ut potius ipsis auditis, statim sine prævia demonstracione aut probatione, non possit non præbere assensum; Qualia: *Totum est maius sua partes;*  
*Quodlibet est, aut non est, &c.* Conscientia etiam testimonio convicti homines, dari principia de ipsa fatentur, dum stimulus ejus obliterare vel repellere, ut ut maxime velint, nullatenus possunt. *Acquisita* autem cognitio, multo rationis uso, labore, & inducitio- nē, multisq; experimentis; ab ineunte ætate, sensuum ministerio corroboratis, comparatur. Et intellectus quidem seu ratio, in dijudicandis rebus, utramq; facit paginam, sed ansa à sen-

suum observationibus arreptā. Ubi observan-  
dum, qvod non uno modo omnia objecta in  
sensus incurtere velint authores, sed qvædam  
directe & per se, qvædam vero *indirecte*, per  
aliud & mediare; hinc, quicquid in intellectu  
est, puta per notitias acquisitas, id prius ali-  
quo ex dictis modo, sive directe sive indirecte,  
sensibus non potuisse non objici contendunt.

V. His sic expositis, id, quod primo intuitu  
discursus hicce p̄ se ferre vītū est, aggredi-  
emur, & breviter cognitionis nostræ proce-  
sum adumbrabimus, in quantum à sensibus o-  
riginem trahit. De modo ergo sensiendi, im-  
primis pauca notaturi, deprehendimus Autho-  
res, in ipso tradendo, vias insisteret toto cœlo  
distantes, quas leviter saltim tetigisse juvabit.  
Objectum sensile in sensatione ab organo sen-  
sus externi recipi, pro rato habetur: Cum ve-  
to ipsa res nō possit realiter ingredi non  
possit (qvi enim maxima turris in tantillum  
oculum immitti posset?) Quæritur, qvid sit,  
qvod rem sensitam ad organum suum defe-  
rat? qvidve perceptionem intra sensorium ef-  
ficiat? De hoc autem inter omnes non con-  
venit. Unde qvidam, ut huic difficultati occur-  
gatur, statuunt ex objectis emanare species  
*sensacionales*, qvæ originaliter hærent in ob-  
jectis & continuariè sunt extra illud (videlicet

Kipp: L. 8. C. 4. p. 325.) Hæ species sensibiles in organum receptræ, & ad sensorium primum ( quod nullum aliud præter cerebrum esse potest ) delatæ, rem sensitam potentiaz cognoscenti fistunt. Distinguunt autem species mere intentionales, quæ ab omni materia separatae sunt, & in visu obtinent, à realibus cum materia aliqua permixtis, quæ reliquo-rum sensuum externorum sunt. *Alii* vero, & quidem posterioris ævi Philosophi, omnem sensationem per motum localem explicant, te-nentes objecta, impressionem quandam realem, in externorum sensuum organis efficere, quæ spiritus nervorum fibris contentos percellat, eamque spirituum commotionem ad illam rationis officinam, quæ in cerebro instruitur, transmitti, ubi anima impressionem ab objec-to factam percipiat, adeoque sensationem in exterioribus organis inchoari, sed in ipso ce-rebro perfici. Conf: Phil V. & N. Burg: Tom: 2. part. Phys: 3. l. 3. f. B. du Hamel in de corp. anim: l. 1. c. 2.

VI. Rationibus prægnantibus satisque va-lidis, & hinc & illinc acerrime pugnatur, re-pertis utriusque sententiaz suis defensoribus, & subtilibus & oculatis; his in certamine si me immisceam, vereor, ne præmium audaciz fe-

tamen illud: *Argutus interstrepit anser olores*,  
*Virg. Eccl. 9. v. 36.* Brevibus tamen in apri-  
 cum proferendum est, quomodo singulos tem-  
 sus exponant secundæ sententiae assertores;  
 (Nam prior ex antea dictis intelligi potest,  
 plura vero qui experti, authorem ibidem cita-  
 tum adeat) libero interim, per nos, cuvis de  
 hac re judicio relatio. *Tatsum* fieri dicunt,  
 cum objecta tactilia movent quamcunque par-  
 tem corporis, qui motus statim per spiritus  
 animales ad commune sensorium defertur. *Or-  
 ganum* vero hujus sensus esse posse, aut ro-  
 gam substantiam cutis, quam plurimis nervis  
 consolidatam, aut corpora illa seu glandulas  
 congregatas, inter cutem & cuticulam inter-  
 jectas, quas propagines esse nervorum & ten-  
 dicium a cerebro provenientes, celeberrimo-  
 rum anatomicorum industria opere Microscopii  
 detexit: In his exuberantes *spiritus* communio-  
 nem ab objecto sensili factam, ad commune  
 sensorium transmittunt. *Gustus* ipsis nihil a-  
 liud est, quam species quædam tactus, quod  
 probare conantur ex organo ejus, lingua,  
 quæ malleulus est, innumeris fibris instrutus,  
 quæ in re cum sensatio tactus convenit. Uttri-  
 usque etiam objectum organo ad moveri de-  
 bet: ostenduntur hic varii in substantia lin-  
 guae pori, qui cum nervis ad cerebrum pro-  
 ten-

sensis coëunt: hos poros particulae, è corpore  
 sapido prodeentes, intrant, qvæ quo magis  
 minusve cum poris conveniunt, eo vel  
 dulciorem vel acriorem dant saporem. Inter  
 gustum & olfactum maxima intercedit con-  
 gnatio, unde horum sensuum organa eadem  
 esse quidam statuere, quia unius sensorio la-  
 so etiam alterius lœditur: Hujus objecta, odes  
 nes nempe, cum substantiali qvodam effluxu  
 esse conjunctos volunt, quia contrario difflan-  
 tur vento, secundo vero advehuntur: Effluvia  
 enim subtilissima è corporibus odoriferis pro-  
 manantia, membranam percellunt, ubi fibril-  
 lae nerveæ olfactoriae eadem excipiunt, & pec-  
 os cribiforme ad sensorium commune dedu-  
 cunt: Excipiunt sensus rationales, visus scilicet  
 & auditus, quos internuncios mentis du-  
 cesque ad veritatem, haud incongruè dixit  
 Plato; (In ihsis, <sup>videtur</sup> quod observasse juvat, Tactus  
 inter reliquos excellit, tum quia, si neoteri-  
 cis credimus, nullus datur sensus, qui non  
 presupponit tactum, tum qvod cæteris, si qvan-  
 do illos falli contingat, opem ferat:) cum e-  
 nim nec sors omnium, nec fragilitas humana  
 diem fati accelerans, cuivis permittant rerum  
 scientiam semper propria experientia confi-  
 mare; autem usum ad perceptionem eorum,  
 qvæ ab aliis traduntur, maximè necessarium  
 esse

esse constat, vivamque vocem per aures transmissam, fortius imprimere, quam ex scriptura haustam. Verum, ut ut enunciata & experimenta virorum celebrium assensum quidem mereantur, non tamen tantam fidem & auctoritatem ipsis tribuendam esse, monent docti, ut in iis solis acquiescar, qui sapientiae operam navat; sed, si potest, in veritatem eorum quae traduntur, ipse sedulo inquirat, successaque potius credat, quam aliorum experientiae, unde patet necessitas oculorum. Sed ad insitum revertendum. Sonum in motu aegris tremulo, seu concussione, consistere in confessu est, qui ad *auditus* organum delatus, per nervum auditorium ad cerebrum defertur. Voces autem ex aere in pulmonibus existente oriuntur; cumque is utramque laryngis membranam celeriter fricet, hæc vero aerem vicesim verberat, fit sonus, qui opere organorum variè formatus, voces reddit articulares, ut conceptus nostros alijs communicare possimus. Visus autem rationem explicatur, major occurrit difficultas. Postquam sagaciores nostri ævi Philosophi vitrearum & Crystallinorum lentium effectus, obscuraque cameræ indolem detecterunt, omnes in eam sententiam manibus pedibusque ierunt, radios per partu-

tulum ueræ foramen intromissos, rerum foris existentium imagines, in opposita subalbicante retinæ membranâ, vel, ut aliis placet, in ipsa choroidè depingere; non sicut ac cameram obscuram intrantes, si parvo foramini parietis indatur vitrum orbiculare, in linteamento albo, è regione foraminis intra cameram expanso, omnia quæ extrinsecus sunt & geruntur, adeo perfectâ figurâ suisque coloribus depicta spectant, ut hæc excellentissimi pictoris artem illudant. Has imagines, cum alii species esse intentionales velint, nuperiores aetheræ substantia impressionis effectum esse contendunt: lumini vero ipsas originem debere nullus ambigit. At, unde illa radiis vel lumini viḡ insit, ut objecti colores, figuram, distantiam etiam & motum, tam exacte representet & exprimat, res est, quæ sicut suspensos nos detinet, ita eadem cognoscendi desiderium auget.

VII. Sensus omnes in cerebro perfici supra diximus §. 5. quia ibi animam sedem suam non postremam fixisse, persuatum habetur. Sic speciem visibilem per nervum opticum co transmitti necessum est, ubi animam sentientem, hactenus indifferenter se habentem ad agendum, determinare possit. Nec minus suos habent nervos reliqui sensus exteriores, qui spie-

spirituum animalium sunt vehicula, & id est  
 objectorum externorum communicant sensus  
 communi, in ea cerebri parte, qua nervorum  
 origini est proxima, residenti; hic anima pri-  
 mum res percipit & inter easdem discernit.  
 Inde progreditur species illa ad interiora ce-  
 rebri, *imaginationis* destinata: ubi obiecti i-  
 mago clarius, non praesentis tantum, sed et-  
 jam absentis, fistitur, jamque phantasma  
 audit. Tribuenda est phantasiaz aliqua rei  
 cognitio, licet de eadem aliquid certi pronun-  
 ciare, ipsis non sit officium. Qvod compro-  
 bat admiranda ejusdem in brutis excellentia,  
 quae in homine ob prevalentiam facultatis su-  
 perioris obscuratur. Ubi vero vestigia in ce-  
 rebro formavit species illa, in quibus aliquam-  
 dius reservatur, *reminiscensia* sive *memoria*  
 dicitur, quae imaginativa ministra est, quia spe-  
 cies sibi ab hac creditas fideliter recondit, &  
 cum opus fuerit reddit.

VIII. Naturam sensuum, quatenus eorum  
 beneficio cognitio nostra non minimam  
 partem promovetur, plane omittere inta-  
 ctam, nec potuimus, nec debuimus: Cum  
 autem tis omnis, quod sensibus circa exteriora  
 gei occupatis patet, qualis qualis perceptio  
 aviditati noscendi minus satisfaciat; ulteri-  
 ius disquirendum est, quodnam sit princi-  
 piu[m]

pium intima rei naturæ adyta penetrans, &  
tò dion demonstrans? Id intellectus est mu-  
nus, cuius fulgore superveniente, adeo illu-  
stratur phantasma a sensibus producendum, ut  
jam perspicue & distinctè objectum repræsen-  
tare incipiat, nec amplius sensibilis, sed inse-  
ligibilis vociteror species In ipso vero intel-  
ligendi actu, dupliciter se habet intellectus, &  
activè & passive; unde orta distincō ejus im-  
aginem & patientem ( licet unus idemque  
sit, nec hic ab illo differat realiter ) Actio e-  
iusdem est, cum phantasma illud lumine suo  
clarum reddit, & quod potentia intelligibile  
erat, actu tale efficit: Passio vero, qvatenus  
imaginem illam, sibi ab agente intellectus im-  
pressam, recipit & dijudicat. Varias præterea  
appellationes subit species illa: Scaligero pons  
dicitur, qvia per illam ceu pontem intellectus  
sele infert in rem, & hæc vicissim ei sstitutus  
Aristoteles ἔιδος vocavit l. 3. de anima c. 4. 2. &c.  
unde Latinis *idea* dici slevit, sive *imago*, qvæ  
ab objecto representato, tanq; a causa ex-  
emplari dependere debet. Adhæc a multis  
conceptus audit, cuius vocis impositioni an-  
sam dedit convenientis idea, cum foetu in  
utero concepto. ( Vide *de Form. Metaph.* p. 34.)  
Dispescitur vero conceptus, in *objectivum* &  
*formalem*, ( conf. l. c. ) per illum intendunt  
C ipsum

ipsum objectum, ab intellectu apprehensum; sed cum quadam relatione ad intellectum consideratum, hic vero conceptus proprius dictus est. De hujusmodi ideis & conceptibus pronuntiant cruditi, illorum necessitatem tantam esse, ut veritatem sine conceptus minime possideri affirmant, *Moj.* in *gnost.* p. m. 209. Hinc Excell. Calovius *Gn. parte gen. c. 5. colle*, inquit, *verum ideas, Tnihil intelliges.* Ut res manifesta evadat, observandum; omnia, inter quae actio & passio intercedit invicem conjungi debere, aut substantialiter aut eminenter; Intellectus vero objectum contemplans, in idem agit, adeoque conjugatur necessum est, non substantialiter vel realiter, ( res namque manet exterior, mentemque ingredi nequit ) sed eminenter & secundum esse intentionale, i. e. per speciem vel imaginem rei. Hac ut vera sit, requiritur ( a ) ut rei per omnia similis sit, ne spuria & quae rei minus intulerint supponendo, intellectui fucum faciat. Nam *omnis conceptus, cui nihil plane responderet in re, vanus* est, ut habet axioma, apud *Moj.* p. 203. ( β ) ut ab ipsa re dependeat, nec enim sufficit imaginem objecto similem esse, ut ovum ovo, sed debet etiam à prototypo esse expressa. Deducuntur e dictis sequelæ ejusmodi s. Res esse mensuram intellectus, non contra, cum hic, vel

vel potius idea dependeat a re, dependentia sc. objectiva. 2. *Veritatem rerum tantummodo unam esse, non multiplicem:* Est namque illa conformitas intellectus cum re, adeoque una erit quia haec una est, & ab intellectu divino dependet: alias intellectus divinus et jam erit mutabilis, quod summæ ejus perfectioni repugnat. Num veritas Theologica Philosophicæ aduersetur? instituti rationem habentes, aliis disquirendum consulto omitimus.

IX. Occupati fuimus hactenus in monstrando ordine cognitionis nostræ, cujus primordia sensibus tribuimus. Qui cum non nisi singulæ percipiunt, intellectum etiam eorum capacem esse, ex antea dictis colligi potest. Accedit quod nihil præter singularia in rerum natura inveniatur; unde sepius nominatus Author p. gn. 214: *Omne quod est, singulare est, & deinceps singularibus nihil est reliquum.* Et quoniam omnem suam veritatem universalia ex singularibus consequatur, nunquam de illis judicare possemus, nisi haec inspiceremus, & per inductionem universales conclusiones construeremus. Frustra ergo nullam singularium cognitionem in intellectum cadere a quibusdam contendit, cum tamen singularia & universalia inter se con-

ferre, atque inter eadem distingvere ipsi non repugnet, quod facere non posset, nisi utraque sibi nota habeat: distinctio enim presupponit cognitionem. Discussionem eorum, quæ pro contraria sententia afferuntur, in ventilacionem publicam reservamus.

X. Quamvis mentem nostram, a cognitione singularium minimè abhorrete, adducta comprobent argumenta; probè tamen etiam hic videndum *quid valeant humeri, quid ferre possint*: Ingenuè namque fatendum, quod omnia in singulari cognoscere, & cuncta individua quoad singulas proprietates sibi familiaria reddere, plus omnino involvat, quam fors humana patiatur. Intellexus noster enim, ut ut insatiabilis sit & omnia penetrare geometrat, finitus tamen est, ideoque omnia individua, quippe quæ infinita, ne enumerare quidem potis est, nedum cognoscere; unde non nisi in ens infinitum ejusmodi sapientiam cadere certum est. Ut ergo desiderio nostro aliquo modo fiat satis, universales formandi sunt conceptus, & ex rerum convenientia conclusiones elicienda, quæ id de omnibus valere monstrant, quod de paucis verum esse ipsi deprehendimus. Postquam enim rei alicuius singularis plenam haudius notitiam, & quæ circa eandem obsecrata sunt, memoria diligenter

ligenter commendavimus, si saepius eodem modo contingere animadvertisimus, cognitio in nobis generatur experimentalis; quæ certiores nos reddit, sic, non vero aliter illam rem comparatam esse, quia tale quid semper propriæ & per se, nunquam vero per accidens circa eam factum esse notavimus: Cumque nusquam observatum est contrarium, jam per inductionem deduci potest propositio universalis, quæ idem in omnibus verum esse infert, etiam in iis, quæ sensuum experientiæ subjici non poterant; De similibus enim similiter judicandum.

XI. Intellectus noster naturâ suâ planè indeterminatus est. ad hoc vel illud objectum cognoscendum; res itidem variæ sunt, & variè atque sine ordine sese nobis contemplandas offerunt, quæ in causa sunt, ut objecta accurate & distincte menti ( omnem confusioem evitare nitenti ) representari non possint. Quo ergo ordinatè procedatur, incipendum à facilitoribus & notioribus, atque sic pergendum ad ignoriora & difficiliora. Hic imprimis in primo cognitum inquiratur, ex quo reliqua deduci possunt: quod deprehendimus cogitando, omnes res inter se aut convenire aut discrepare. Convenientia rerum tam universalis, ut in ipsum quoque DEUM

eadat, qvi, dicente Frommio Met. p. 35. fieri  
 sibi plane simile producere non potuit, ita nec  
 aliquod a se omni ratione diversum efficeret.  
 Ex tali collatione provehimur in considerati-  
 onem ejus, qvod communissimum est, qvod  
 nihil aliud esse potest, quam ens. Notissimum  
 ergo & primo cognitum ens est, idque sine  
 singularizatum, ut vulg. Meijerius p. gn. 141.  
 ( conf. Intell. Geilfus. p. 56. ) res enim quaevis  
 singularis ad cognoscendum proposita, omni-  
 um primo sub ratione entis, cognitione scilicet  
 et confusa, apprehendatur, ait Thur: Met.  
 p. 66. Hinc, quando aliquid perfectè definire  
 vel nominare nescimus, ens esse dicimus. Ul-  
 terius, autem, ut quis feliciter progrediatur,  
 advertendum, qvæ omnem convenientiam ad-  
 mittant, quæve, vel toto genere, vel in quibus-  
 dam saltem attributis disconvenientib; unde at-  
 tributa qvædam propria, qvædam communia  
 oriuntur. Et quia, neq; hæc eodem semper  
 modo ab inferioribus imbibuntur, maximè  
 necessaria est consideratio univocationis &  
 analogie; cum univoca æqualiter pluribus tri-  
 buantur, analogia non item, sed uni per prius,  
 alteri vero per posterius. Propria autem attri-  
 buta tanto majori studio eruenda, quanto ad  
 perfectam rerum notitiam magis conferunt.  
 Inter hæc etiam positiva melius rei naturam

insinuant, quam *negativa*; licet negativa a per-  
 giculo errandi magis sint libera. Hinc con-  
 clusionum multitudo intellectum distrahens &  
 quare, ut confusio errorum mater praecavea-  
 tur, & singula distincte concipientur, omnia  
 homogenea, quae de eodem formaliter partici-  
 pant, ad unum concepium revocanda, certum  
 que constituendum noema, ad quod singulæ  
 conclusiones referri possent; id nos *objectum*  
 dicimus. Erit autem *objectum* conceptus unus,  
 summus & universalis, & eandem cum omni-  
 bus suis membris atque objectis particularibus  
 naturam habens, præterea apud modis con-  
 trahentibus limitari. Hoc *objectum* in certa  
 aliqua *disciplina* tractandum est, ( *qua objectum*  
*causa disciplinae* ) licet rem etiam citra  
*disciplinam* intelligi non repugnet; Cum ta-  
 men ea sit conditio intellectus, ut singula pe-  
 netrare nequeat, plurimum promoveret co-  
 gnitio nostra disciplinarum systematis, multo  
 temporis tractu accurate constructis, quorum  
 ope hodie, vel viva voce, vel scriptis, ad po-  
 steros transmititur. Distinguuntur autem dis-  
 ciplinæ objectis, sub proprio genuino formaliter  
 consideratis ( *disciplinæ practicæ* finem quo-  
 que prærequirunt ) hinc non obstat, quia i-  
 dem *objectum* etiam in pluribus disciplinis tra-

etari possit, sed sub alio formaliter. Quæ omnia ut ritè obseruentur, providet abstractio: hæc in exquisita rerum cognitione utramque paginam facit, adeo ut solus ille Philosophus censendus veniat, qui bene abstrahere novit: hæc in formalem rei rationem provehimus, quam cognoscere, est ipsam possidere veritatem.

XII. Postquam pro exiguis illis, quas haecenüs ductæ lineæ satis superque prodiderunt, ingenii viribus, cognitionis humanae cursum adumbravi, si pauca adhuc ( dum velorum meditor contractionem ) de principiis, veritatem conclusionum philosophicarum confirmantibus, moneam, omni operæ pretio me excidere non censeo. Sunt ea tria: *Sensus nimirum, Ratio & Scriptura.* *Sensuum certitudinem* minimè in dubium esse revocandam præcipiunt docti, modo omnia requisita ad hanc rem facientia adfuerint ( de his vidi. Kipp. p. m. 324. ) quibus desideratis, aut neglectis, cognitione sensualis facile infringitur; ritè vero positis, frustra sunt, qui de errore ejus queruntur: Hinc de ipsis Lucretius.

*Invenies primis a sensibus esse creatam  
Notitiam veri, nec sensus posse refelli:  
Qui nisi sint veri, ratio quoque falsa sit omnis.  
In sensibus quoque omnis fundatus experi-*

entis, quæ si negligatur, nunquam se expediet intellectus in abstrusioribus explicandis; multa namq; patefecerunt experimenta, quæ alioquin æternis, ut olim, tenebris mansissent involuta. Quod si in eorum veritatem propriis observationibus inquirere (quod nulli non in votis esse deberet) vetat aliquando fors iniquior, non tam possunt viri cætera undiqueque doctissimi, & fidei intemeratae nulloque mendacii crimine labefactariæ, nobis non facere fidem, dum manifestissimam eorum evidentiam infallibilibus firmant rationibus. Ingenui ergo Philosophi officio desunt, qui non tantum experimenta aliorum, quæ nunquam probarunt, pertinaciæ negant, verum etiam, ne cogantur fateri vera esse, quæ palato eorum minus accidunt, in posterum ea examineate recusant, cujusmodi quendam fuisse refert Sturmius in de *Anibop.* *Interp.* *natura c. 2. §. 1.* Qvæ ad oculum testantur, errores Philosophorum, sæpe quidem ingeniorum varietati & intellectus imbecillitatæ originem debere, sed voluntati quoque & pertinaciæ ex parte tribuendos. Accedit præcepta immaturæ atatis opinio, quam quasi cum lacte materno suscitamus; quia anima cum corpori articulè immersa, aliter de rebus judicare nequibat, quam prout sensus ab externis rebus afficiebantur; sed accrescentibus annis,

longè diversum de iisdem judicium ferendum  
 esse deprehendimus. Sic pueri terram undi-  
 quaque planam esse judicavimus, quia in pla-  
 nitie constitutis in omnes plagas æqualiter ex-  
 currere videbatur: Ideoqve nec induci potu-  
 ere prisci homines, ut antipodes dari crederent.  
 Sic hominum animos sententia inveterata oc-  
 cupavit, ut ne latum quidem ungvem a statio-  
 ne sua se dimoveri patientur. Qvare adstrus  
 etiam antea sensuum certitudinem, hoc modo  
 limitandam censemus, ut quæ absque suf-  
 ficieni examine teneri admisere anni, in du-  
 bium revocemus, hoc est, judicium nostrum  
 in iis, quæ vel minimam incertitudinis suspi-  
 cionem subeunt, suspendamus, donec num ve-  
 ra sint, exploratissimum habeamus: quo sensu  
 dubitationem Socratis, & Platonis ( quorum  
 supra §. 2. mentio injecta: ) nec non qvorun-  
 dam neotericorum non improbamus, cum  
 eundem illi dubitationis finem sibi proposue-  
 rint: Nec enim dubitabant, ut semper dubi-  
 tarent, quod fecerunt Sceptici, sed ut præmisso  
 argumentorum ab utraque parte stantium ex-  
 amine, quod verisimilius haberi posset, elige-  
 rent: qva nulla certior excogitari potest veri  
 inveniendi via. Talem ergo dictis subjungimus  
 conclusionem: Non esse permittendum sensibus  
 de iis judicare quæ sensuum judicium superant.

XIII. Secundum principium rationem esse diximus, quæ una cum sensibus omnino in consilium est adhibenda. Hæc namque in veritate investiganda & puppis & prora est. Quicquid huic consenteat, certum erit & immoræ veritatis philosophicæ, contra quicquid verè dissentit, coram tribunali rationis falsum erit. Quare non male λόγος cum τῇ πείρᾳ, cognitionis nostræ ocelli audiunt. Ratio sine experientia, ut navis sine rectore, fluctuat: ne viciſſim experientia, cui ratio non prælucet, eaca est fortuita, nec quicquam utile proereat. Ph. V. J. N. Burg. Phys. Gen. tr. I. c. 2. illa imprimis τὸ esse rei manifestat, quod (ut sit Cal. in Gn. p. II.) semper notius est causa, quam experientia aſequi non valet, quod subinnuere videtur Arist. I. I. Met. c. 1, dicendo: οἱ μὲν γὰρ ἐμπειροὶ, τὸ ὅπερ μὲν ἴσωσι τὸ διόπερ ἔκ ἴσωσιν, hæc vero rerum causas venatus. Quis sit usus rationis in abstractionibus disciplinarum: Quid conferat norma illa indubitate rectitudinis, a ratione formata, quam nomine Princ. P. insignimus, ex quibus omnes conclusiones philosophicas æstimamus, pluribus aſequi animus non est. Merito de ea pronunciavit Thales apud Laërtium ( quem fide Mejeri hic citamus) ταῦχισσον νῦν Διὶ παντὸς τρέχει.

Minime tamen sibi soli credat veritatis amans,  
 ut ut felix suum ingenium ~~aut~~<sup>et</sup> considerans fore  
 pollicetur, sed quæ a pluribus rectè dicta fu-  
 erint, probe perpendat, quo eruditorum vi-  
 rorum calculo adjutus, se immotæ veritatis  
 sententiam rueri, affirmare possit. Plus enim  
 vident oculi, quam oculus. Videant ergo, ne  
 se cunctis deridendos prostituant, qui ultra-  
 modum viribus suis fregi, aut omnium alio-  
 rum opera se plane nihil indigos censem, aut,  
 si quos consuluerint, falsa sapientia persuasi,  
 nihil, nisi quod suo pallio involvant, pro vero  
 recipiunt. Ut vero hi ad dextram, ita alii ad  
 sinistram a recta deviant semina, qui certæ ali-  
 ei sectæ addicti, in verba Doctoris sui, tan-  
 quam oraculum è cœlo demissum, jurant; sive  
 experientiæ & lumini naturæ congruat, sive  
 reclamat, nihil pensi habentes, nihilque præ-  
 ter antiquum illud ~~aut~~<sup>et</sup>  $\varphi\alpha$ , aliter sentien-  
 tibus occidentes. Verum præstantissima omni-  
 um esse viderur illa philosophandi ratio, ubi  
 seposito omni amoris, vel odii affectu, neque  
 Magistri opinio pertinaciter defenditur, ne-  
 que adversariorum asserta contumeliosè impu-  
 gnantur; sed optima quæque & verissima, si-  
 ve horum sive illius fuerint, eliguntur. Negi-  
 enim in unam aliquam sedam, vel hunc unum  
 boninem omnia & semel contrulis aeterna bensi-

*gn̄reas. B. D. Flachſ. in app. de ſect. pbil. p. 152;*  
*Iuus quemque maneat honor, interim tamen*  
*ſemper meminerimus hujus verè aurei: ὅστοις*  
*πεγμάν τὴν ἀληθείαν, Arist. I. I. Eth. c. 4.*

XIV. Regula cognitionis noſtræ tertia eſt *Scriptura Sacra*, qvam hinc minus excludet, qvisqvis intellectum noſtrum, ſpiffis obductum nebulis, etiam in naturalibus ad multo caligare, faceri cogitur, aduersus qvæ ſcrip:uræ quoque liber remedii ſubminifrat. *Quidam* aliqvid demonstratur, statim ad theologica funda‐menta transiliunt, totamque ſuam ſcien‐tiam ex ſacris petunt: *Alii* codicem ſacrum penitus ſeqveſtrant, ejus lectione ne unius qvi‐dem rei notitiam addisci poſſe, contendentes: Utrumque in vitio ponitur: Media igitur via ingrediendum. Novimus omnino diſtincta eſſe naturam & ſcripturam, Philosophiam & Theologiam. Conſtat ſi quidem id ex diversitate tam principiorum, quam objecti & finis. Ta‐men obſervandum, quod, ſi abſolute conſide‐retur ſcriptura, pars ejus porior merè ſpiritu‐alia coninēt; aſt *reſpectu eorum*, quæ ibidem vel naturalia vel moralia occurruunt, eam e principiis philosophia norma:ibus planè non poſſe excludi videtur. Multis enim abſtrusis lucem affert in contemplatīvis maximam, cui vel ob Authoritatem dicentis quisquam ſe op‐

ponere nequit, nisi quis, non sine blasphemia, creatoris de creatura testimonium falsitatis arguere presumperit. In iis vero quæ *praxin* intendunt, non video quomodo negligere possit Philosophus Christianus tot morum & virtutum præcepta ubique in sacris pandectis obvia, cum ibidem totius vitæ nostræ regula & verè viva lex in vita sua Christus, cuius vestigia seqvi jubemur, conspiciendus sistatur. Ut riteam, quæ de societate & familia recte instituenda salubriter monentur. De quibus in hunc modum differit Mejerus pag. Gnostol. 87. Non inficiandum, scripturam quoq; nonnunquam esse philosophiæ principium posse, ubi de rebus philosophicis aliquid continet, non tamen ut adequatum & proportionis, sed ut eminentiæ & dignitatis principium est accipiendum, idque ob veritatis divisa, quam continet eminentiam. Ita vero probationibus è sacro petitis codice, philosopho utendum esse arbitror, ut probe caveatur; ne, sub specie religionis, quæ scripturis ritè intellectis minus contraria sunt, impugnet; quo immoderato zelo abreptos sèpè dodos homines absurdissimas defendisse sententias, historiæ perhibent.

DEO UNI & TRINO GLORIA!

